

LA BUSINA' D' CANTALUV

CARVE' 1976

Doni, omi; fioi, fii, veg e masnà
 avuma riunì per fev savei la nuvità
 a Cantaluv, in grup ed squinternà,
 u sé bità an testa ed fé la businà,
 a lé ina businà cun pochi preteisi
 cla paga se e no el speisi,
 e perciò noi a preguma
 cui poich ca tucheruma,
 ed dei poc peis
 ca lé nenta el cas ed sentis ufeis,
 ieina sula, lé la nostra ambision
 che del Carvé la cuntinua la tradision,
 auruma evité che la giornà ed Carvé
 a in murtorì laba da smié,
 e perciò, u noster intendiment
 a lé chi seii tic cuntent,
 chi smentei per in'ura tit el malandé,
 la crisi, el tasi e la trata da paghé,
 la nostra pì grossa sudisfasion
 lé cula ed fev fé in'ura ed sangu bon.

Ades che el preambul aiuna ultimà
 annuna a culi chi son gl'ultimi nuvità,
 entruma sibit an pista
 con cui che an tel pais, is son bità pì an vista,
 el fieteini, chi la peiu al dusi
 e chi sarcu, ed nenta dventé rusi,
 da part nostra , a preguma desi perdunà
 se chica vota, suma surtì da la garsà.

Omensanda dai bar, circol, asuciasion,
 la baraca lé cula clà fà la part du lion,
 a stistà us pudiva manc pì entré
 tanta l'era la gent a mangé,
 di barì ed ven, i'an cunsimè
 cun cinghial, raini, corni d'vaca e stifà,

LA BUSINA' D' CANTALUV

CARVE' 1976

Doni, omi; fioi, fii, veg e masnà
 avuma riuni per fev savei la nuvità
 a Cantaluv, in grup ed squinternà,
 u sé bità an testa ed fé la businà,
 a lé ina businà cun pochi;preteisi
 cla paga se e no el speisi,
 e perciò noi a preguma
 cui poich ca tucheruma,
 ed dei poc peis
 ca lé nenta el cas ed sentis ufeis,
 ieina sula, lé la nostra ambision
 che del Carvé la cuntinua la tradision,
 auruma evité che la giurnà ed Carvé
 a in murtori laba da smié,
 e perciò, u noster intendiment
 a lé chi seii tic cuntent,
 chi smentei per in'ura tit el malandé,
 la crisi, el tasi e la trata da paghé,
 la nostra pì grosa sudisfasion
 lé cula ed fev fé in'ura ed sangu bon.

Ades che el preambul aiuma ultimà
 annuma a culi chi son gl'ultimi nuvità,
 entruma sibit an pista
 con cui che an tel pais, is son bità pì an vista,
 el fieteini, chi la peiu al dusi
 e chi sercu, ed nenta dventé rusi,
 da part nostra . a preguma desi perdunà
 se chica vota, suma surtì da la garsà.

Cmensanda dai bar, circol, asuciasion,
 la baraca lé cula clà fà la part du lion,
 a stistà us pudiva manc pì entré
 tanta l'era la gent a mangé,
 di barì ed ven, i'an cunsimà
 cun cinghial, raini, corni d'vaca e stifà,

u suces l'é stac tant impudent
 cu sé muntà la testa, anche chic dirigent,
 che, a paroli, el mond l'auriva anversé
 ma che ben presta, an si pé, u sé duvi piscé,
 perché s'ieru an tanc, ad aurei parlé
 ieru ben poich, cui ch'iauvu voia ed tiré,
 fina u gestur, i son ruscì a fé scapé
 a forza ed discuti, e mai cunsimé!

Autertant, a diruma, dal squadra da balon
 andonda a tiré, ui'é semper i solit cuion,
 a vensinda el campionà, is son muntà la testa,
 e a la squadra, i'an finì ed fei la festa,
 aumentanda ed grad, i'an decis a pé ed pì andé
 e i giugadur, cun il pulmen ed baraté,
 ma l'é evident ch'ian ciapà el bidon
 perché el pulmen el va a nan sul a puson!

Del Consiglio ed Quartié, a n'aurisu manc parlé
 vist che i pì tanc, i san manc pì su ié,
 i'eru partì cun tanti ambision,
 i criavu chis sentivu fina a cà ed Farinon,
 ma ansima d'iallori is son prestu andrumentà
 dimustranda desi partì, forse cul pé sbaglià,
 l'unic cus preoccupa ancora an pò l'é Bill
 da la pau, ch'il portu an tel canil!

Parluma an pò, anche dla Società Uperaia
 che per sté an pé, la damsogn desi puntalaia,
 i so dirigent, i son semper an discusion
 tanta l'é la pau, che i portu veia i mon,
 quandi poi i cumbeinu chica riunion
 ui vula i register e magari chic lurdon,
 ades u sareiva ura ed dubié el tuaii,
 e des da fé a nent fé druché el miraii,
 perché us po nenta, anmà pasé ina vita a preghé,
 che a u dì dla festa laba nenta da fiuché,
 ades cu ié entrà la nova cumision
 speruma cl'aba voia, ed des da fé da bon,
 l'é stacia ina vutasion contrastaia
 ma, a la fen, u Taton u la spuntaia,
 anche se, per la nomina bagné,
 in og dan tla testa, u sé duvi ranché!

Ui'é po in grup ed giuvu ed boina voluntà,
 che in bel dì, in giurnalen, a la fundà,
 a l'inisi, ai na duvuma deini at,
 is son dac da fé cme mat
 i scrivivu del pais, tit el nuvità,
 e la gent a l'alsiva cun curiosità,
 ma ben prestu, anche lur is son ansetà,
 cmensanda a limité l'atività,
 tant che la gent, a rason o a tort,
 la cmensà a ciamel, u giurnalen dl'abort,
 antrament, pì malign, chicaden
 la finì ed definil: in'abort ed giurnalen!

Al Bar Paradis, l'é nent na nuvità,
 la squadra da balon a lé ed cà,
 ma grup ed pulitic, us po semp trueé
 dispost a mustrevi per chi chi devi vuté,
 caciadur e pescadur, i van an gara a sparei grosi
 i na chentu ed culi, chi stan manc an pé cul scrosi,

cun el barbè che el cuntinna a gatuné
 ma la lever u ries mai a ciapé,
 Gianni ed Bianchi, mino e Miclen
 i ciapu di pes chi stan manc an tel guaden,
 se po i vori telefuné, i son dulur
 ui'é semp chicaden che cun u telefun el fà l'amur,
 e cun vena nenta an ment, a Ernesto, ed cmandé in café
 dop a in'ura, sav va ben, u v'riva in brulé!
 del bigliard tra Baian, Buca e u Taton,
 ui'é an palio, u titul ed campion,
 i fan del parteii ai singsent e venten
 e nà vota a pren, il ciapu an tù stupen,
 el campion i son nenta ancora riuscì a trué
 ma el bigliard a Maria, i'an sà ben ben iità a paghé!

Ui'é in grup, che a brisca an sing, us pias giughé
 e che, fatalment, el pustinen el fà ancasé,
 an posta i bitu di ciculaten
 chi finisu ed mangé ien per ien
 con u risultato ed duvei, an certo punto scapé
 perché d'urgensa, el braii i devu andé a mulé!

Al mercoledì da d'nan al video, ui'é la cuntestasion
 chi el vo vighi u cinema, chi vo uardé el balon,
 cun u Giò c'us lamenta e el cuntinua a dì
 che u cinema i riesu pì a finì,
 ed Elpidio c'us dà da fé a spisé
 perché an sl'ater canal, i voru nent giré!

Na taurà ed particular poi ui'é
 cla para la giornà a cuntraté,
 chi la da vendi la melia, chi i raxon
 chi us lamenta cu ciapa poc ed pension,
 i lesu u giurnal, e i fan la discussion
 i l'an cun el guvern cui dà meia ed suldon,
 i son tic: danari ten sù, e quandi chi van a cà,
 in café, an tra trei, i'an cunsimà!
 Ui'é po Cicu, cl'é propi in bel element,
 l'é semp a gir a tribilé i client,
 an cun i maron glasé, fina a u Taton
 a l'é riuscì a fei el bidon,
 si stei nenta atent, i son dulur
 an sacocia uv n'anfila, ed tic i culur!

E annuma al doni spusaii e da marié,
 che al balon an sel camp, is son ausii sfidé,
 is son daci da fé, ui'é nent da dì;
 i picavu cul man, cun u stomi e cul chì,
 i son sciupà da u reii, i spetatur,
 a chicaden ui'é fina anmì i dulur,
 e Maria, dricia, la fac i sulden
 ui'é mancà poc, cla vendisa anche el barachen,
 i'an vensì culi da marié, a dimustrasion
 ch'iavu pì tanta, fam ed balon,
 el mariaii is son prestu vendicaii,
 e in dì, an sel camp, a Purot i'an gavà el braii,
 i l'an lasà bela biut e patanì
 c'un sava pì, donda purté el chì,
 danda i na cera dimustrasion
 cui piasiva pì tant giughé la bala che el balon!

An tel pais, ui'é po in teston
 ca là el balen dl'organisasion,
 u smeia claba nent'at da fé
 che del nuvità andé a serché,
 an tl'union spurtiva el fa la part du lion,
 ansema a Pasqua, Elpidio, Bafet e Sergion,
 an sel camp da balon, a forsa ed slarghé,
 la strà e la feruvia, el finirà ed fé sbigé,
 ades, an testa u sé bità
 che an tel pais us dev nent curi da isulà,
 la sà suscità in mond ed cuntestasion
 ma ui'é da dì che u temp, ui dà tanta rason,
 tanc angul, l'é evident, la sà smusà
 se el Carvé, ansema, i'an cumbinà!
 E da sà ca suma an argument
 aurama fé in invit a tic i present,
 l'Arci, la Società e la squadra da balon
 i'an an programa del gran manifestasion
 che, per esi purtaii a conclusion
 i'an damsogn dl'ait ed tit la pupulasion,
 bitev na man an sla cuscensa e smulé i curdon
 che per urganisé ui vè di gran suldon,
 e fumsi sociu, al'Arci, a la Società e al balon
 chi posu, tic ansema, cumbiné cui cos ed bon,
 ades l'é ura, tic ansema, ed gaves i paraog
 e dé da man a la bursa, per nent pasé per piog!

An tel Bar ed Maria, i son ed cà dui gagaron,
 borsello a tracola, an ti pé i sucron,
 da d'nan a la porta, cun ustentasion
 i pustegiu an bela vista, i so machinon,
 e u Gigi us dev semper ancasé
 perché an sel marciapé, un ries pì a pasé,
 i fan i brillant, ma sieisi ben da turcei
 na lira cl'é na lira, i riesci nent a piei,
 d'età i son sà an po n'sì, ma i fan i pivlen
 i son semper a ramingo, pes che el can ed Maien,
 ien l'é cavaliè, e il ciamu " el picion "
 l'é semper a dre a fé anrabiè u Taton,
 l'ater, braii strici, cavì long e barbison
 a truvèl ed noc, u ié da fes anni u tremon!

Na squadra ed giuvu squinternà,
 la vigilia ed Nadal, da Maien capitanà,
 a Burgurat i'an ausì andé,
 u Trofeo dl'Amicisia disputé,
 ancontra a Burgurat, Gamaleri e el Frascè,
 i'an fac la fighira di ciculatè,
 i'an ciapà tanta ed cula biava,
 che dop an meis, gl'urigi ancora ui ciflava,
 el fava ina frig da bati el bruchetti
 e a Maien ui'é sibat srà el tetti,
 an tel bar ed Clemente u sé tost lughà
 bela reid cme in bacalà,
 Paulen, Paulon, Bianco e Ricagnen da la barbetta
 i son partì per prim cun la stafetta,
 dop a in'ura andé a serché i'an duvì
 perché long al vial dla stasion s'eru perdì,
 au tir a la fune, el Megu, Stevu, sergio e Carlon
 i'eru an verità, quat bei carnon,
 ma is son dimustrà, mol cme na figasa
 e is son fac rastlé per tit la piasa,
 l'unic ad ampnes, l'é stac Paulon cul peis,
 e per poc, in spetatur, la nenta steis,
 an t'in giò, però, is son dac tic da fé
 l'era cul cui salamen e el ven brulé!

An tel bar cl'era na vota ed Farinon,
 i'an sede del buci, i campion,
 i partu bunura, per andé a garé,
 smeia che el mond, i vagu a cunquisté,
 i pì tanc, dop a in'ura i turmu andré,
 cun la faccia ed cui ch'ian pista i pé,
 dan tla testa ui sort fina fora i'og,
 perché a la prima, i'an gnacà come piog,
 e si, a trué del schisi, per evitè
 ghe i'amis, iabu nenta da suné,
 la bucia l'era quadra, bislong l'era el bulen,
 ma la verità, l'é, chi son di gran sciapen!
 E da sà che an tel Bar del Popul a suma rivà,
 dumsi in'ugià an gir a serché el nuvità,
 na squadra ed giuvu, la ven sibat suta i'og,
 barba, barbìs e cavì da piog,
 i son semper a drera a stidié
 la manera ed nenta travaié,
 e a giustificasion di na tal meina,
 i disu che u dutur, i'à pruibì ed sbasé la scheina!

Ui'é po in grup ed fieteini, che nentater la da fé,
 che curi a des el cambi a telefoné,
 a Marisa, u telefon i fan anmì rus
 a forsa ed parlé con i murus,
 cuntinament i dan di puntal
 per andé ad ancoruè l'erba long al canal,
 chicadeina che po, la vo fé pì grossa
 la vè a finì an ti rantanon ed la Barosa,
 da part nostra ai'uma nent ater da div
 che i sei giuvu, e i fei ben a divertiv,
 fev i vost er afé, e ciamev nent perché,
 chicaden an pò an sl'età, uv pensa ed critiche,
 e sté nenta a senti cula gent
 cl'à dis che na vota certi robi i favu nent,
 da che mond l'é mond, ui'é mai stac ansen
 claba cunfundì el meliasi cun i tuten,
 e quandi cl'é stac ura, anche lur, an tel gripion,
 i n'an semper aprufità degl'ucasion,
 teni però, semper da ment in veg det,
 "la sunada l'é longa, t'nì da chent l'archet"!

Ui'é dui an tel pais, che ui pias andé
 la duminica, an muntagna a scié,
 i son tic dui, ben equipagià,
 giaca a ventu, scarpon e usià,
 i fan del discesi ch'in finisu pì,
 el guaiu a l'é, chi venu sù col chi,
 ed la manera chi sautu i fos
 el mor d'invidia fina Gross,
 ien, quandi cu riva a cà, l'é tit na lagna
 perché i sci la perdì per la muntagna,
 l'auter in di, sù da na pianta u sé rampgnà
 e per in meis, la duvì giré angesà!

D'autin da Cantaluv, ui part del machinà
 ed gent che an ti bosc per fons la vè,
 i fan i misterius, i disu nenta do chi van,
 da la pau che chicaden, ui posa pasé da d'nan,
 in'infinità ed bosc, i'an sà rastlà
 e quintal ed fons, i son riuscì a purté a cà,
 dui, na giornà, a forsa d'andé sù
 an ti bosc du Sassello is son perdì,
 l'era sà noc, e i cuntinuavu a giré
 a la disperasion, is cmensavu sà a dé,
 per furteina l'eremita, u i'a mustrà la strà
 se no, a st'ura chì, i'eru ancora là!

Maria, un so dil, per el capeli i'og là bon,
 a na trova semp di cavagnon,
 e cun Arrigo, la fà anrabié Giuanen
 perché pì gros, i'an semper el cavagnen,
 na vota ien, dop avei tit u di girà,
 ed fons l'era riuscì a fen na bela cavagnà,
 ma arcalanda, dop a tanta fadeia,
 la finì ed sghié ansim ed na preia,
 an tin rantanon l'é rabatà
 e tic i fons, l'ha turna semnà!
 Ui'é po in grup, che un vo nenta andé luntan,
 e us cuntenta di fons nustran,
 i son sing o ses, capitanà da Madabon
 an ti noster camp, i'an sa rancà fina i muron!

S'iei na mustra da rangé, an tel pais ui'é chi cui pensa
 però, av'la dig mei, che penitensa!
 dop a in'ani, a dila cme i lisandren
 la vostra mustra l'é dventaia in svigiaren!

An sel camp da balon, u di ed feragust,
 is son truà, sesanta belimbust,
 i'an piantà el tendi, e per trei di,
 i'an cuntinua a mangé, beivi e drumì,
 al doni ed cumplimen, a duvuma feini in'infinità
 per na smaina, i'an preparà gran specialità,
 tre o quater, po, i'an tirà a rustì
 giranda anturn al fò, ramnanda el chi,
 per pudei armiscié, an cun u sapon
 la pulenta an tel caudron,
 e anche se, andrenta al pulenton
 ui'é cascà an pò ed canisu e trei sgrivalon,
 i l'an sbafà tit cun avidità
 u smiava che da in'ani ieisu mangià,
 e Manassero l'ha avì u so da fé
 per pudei, dal brigni sechi, fé sorti el ven brulé,
 l'era u diretur degli uperasion
 capé bianc an testa, da d'nan u scusaron,
 u sautava an sel camp, cu smiava in cravon,
 la riiva fin la gent cla pasava an su stradon,
 chicaden l'ha anche piantà la nina
 per fé pasé i bulur, u sé pucià an tla piscina,
 e dop a trei di, a iuma mandà a cà
 se no, chicaden, ades l'era ancora là!

An tel pais ui'é na persunalità,
 cui fa tant di el'é sipa, cme di el'é pan bagnà,
 ui cur nenta el pericul ed vigli anrabià,
 manc sui duvisa casché ados la cà,
 el mangia e el beiv, u rei e sna strafut
 del noster graini, ui na fà propi in fut!

In'ater cumpaisan, da tant temp, an sità
 ed turti e pasti un'ha fac in'infinità,
 an tu so amsté, ui'é da fei tant ed capé,
 pasti cmel soui, ui né poich chi sapu fè,
 cun doi ov e in pò ed fareina, u sé vansà,
 i sold, per fes, a Cantaluv la cà,
 a del pais, u stà a drera a tit el nuvità
 a tit el manifestasion, u so contributo u dà,
 luntan dal pais, l'é nenta bon a sté,
 an tel bar, titi el siri, il pori trué,
 el ven sì aposta per gaves la sudisfasion
 ed fé, cun Manfredini, la solita discussion,
 ades le dré cus dà da fé, a fé sì i'ultim suldon
 per anni a Cantaluv, a guidis la pension/

Di noster butié, ui sareiva da scrivin na storia,
 u Sigmur cu iaba an gloria!
 i van an gara, per vighi chi
 pì tant i presi, u ries a teni sì,
 ui né poi ed cui, ch'iei ancor da entré
 che iv disu sà, si chi devi paghé,
 l'é tit in piansi, tit in giunté,
 doi apartament al'ani, in riesu pì a caté,
 i riesu propi pì ad andé a nan
 e tic i'ani, al'alog, ui tuca giuntei...in pian!
 Se po da u tabachen, i'andei a pié da fimé
 el sigaretti cuv pias, i riesci mai a trué,
 e serché d'andé, cun i sold chintà,
 se no, ed rest, uv'anfila in quintal ed sà!

I caciadur del pais, i son dventà celebrità,
 da quandi, i cinghial i'an masà,
 fina an su giurnal i'an stampà,
 e tic ansema i'an decis ed fé ina bisbucià,
 a la Baraca, in mig d'amis, i'an decis d'anvidé,
 e tanc i'era, davei di fastidí a entré,
 la volta i'an puntalà, perché, tant l'era peina,
 ui curiva u rischiu ed finì an canteina,
 per stei tic, is son duvì ben ben gnaché
 e chicaden, an sla stiva, u sé duvì anseté,
 e ura ed mangé, anche se u cinghial l'era gros,
 a forza ed dividi, ui'é armas anmà pì dl'os,
 e chic aventur, se la fam u sé ausì gavé
 di gran partugal, l' ha duvì mangé!

An tel pais, ui'é ina gran bela cartuleina,
 che d'invern, u gira ancora cun la mantleina,
 a batti i nà manà an sel pastran,
 u s'ausa ina niura ed puvì ed gran,
 cun an man ina radio, aliaia col curdon
 tit el duminichi, l'é an sel camp da balon,
 ogni tant, an cun la corda, us dev carié,
 perché tit el doni, u s'ancanta a uardé,
 el Beppe, quasi tic i di, us dev ancasé
 an mes ai sac du silos, ul ries mai a trué,
 ma se per cas, uv ven an ment d'anvidel a seina,
 ui'é nent pericol, cui sauta sì, la cadeina!

An sel camp da balon, anche el PiCi,
 l'ausì a stani pasé dui di,
 in gran Festival i'an urganisà,
 e fina el rutaii, ed rus, i'an culurà,
 ina gran festa, i'an fac an verità,
 e a la sira i'an anche balà,
 ed gent ui né anmì, ina cunfision
 smiava desi, an piassa di baracon,
 Angelo però, u sé nent pudì godi la festa
 perché in pà ed fer, ui'é drucà an testa,
 e manc Solferino, el'ha avì u so da di
 per pudei del gran cutletti, fé rusti!

Da quandi Ferruccio ed Cantaluv l'é u Don
 del campaini suma turna riuscì, a senti u son
 dui, ed suné baudetta, l'incaric is son pià
 ma ui'é sa chi cu dis, chi son an pò stunà,
 e ch'ian sa fac, nent pochi discussion
 per stabill, chi dev, pichè an sel campanon/

Aiuma an tel pais in pescadur
 che d'andé a pesché, ui l'ha urdinà u dutur,
 con la cana el vè, an titi el stagion,
 ch'el piova, ch'el fioca, cui vena l'aluvion,
 poc tempfà, antl'Urba lé drucà,
 la sciapà la cana, e u s'empì i gambà,
 e da Ovada, cun u sò muturen
 l'é rivà a cà, reid cme in San Quinten,
 e u l'indman poi, u smiava chi l'eisu bastunà
 tant el col l'ava ancastrà,
 la testa un pudiva pì giré
 un riusciva pì a vighi, el machini rivé,
 tant che se, dal bar l'ausì andé a cà
 la duvì fes iité a traversé la strà! :

A cui che a st'ani is fan chent ed marié,
 in proverbi ed Cicu auruma chinté,
 urdis, cu ié nent sant e nen vers
 che se tat mareii, la rason t'ai pers,
 e che u spusalisi, l'é propi la prova
 cus sà si cus vò, ma us sà nent si cus troua.

El camp da balon, per culpa ed Gidio e Maien
 u smiava, a st'istà, quasi a l'ort ed Ramugnen,
 vanghi, badì, rasté e sapon
 ui'era sbardlà an tic i canton,
 in mig ed bog, i cuntinuavu a fé,
 a pensavu che el patati, i'aurisu semné,
 el President, an sel camp, l'oficina l'ausì purté,
 e per tit l'istà l'ha cuntinuà a saldè
 cun supervisur, ien che poc u risca
 ma cun perd nent ucasion, ed bites an vistà,
 u Segretari pò, i na gran bogia, s'é bità a scavé,
 u diva, che i na peschera, l'auriva fé,
 ma la verità, l'é che scavanda, l'ava an ment
 ed riesci a trué chic bon dirigent,
 che cun Manassero, dl'U.S. e gl'iasion
 el contribuìsa ad aumenten la quotasion!

An tel pais ui'é anche in priché
 donda prest o tardi, tic anduma a fes scravé
 l'é Beppe rasù, che cun ustentasion
 el bita an bela vista i sò doi barbison,
 uv dà na liscià ai cavì, u spara du sciuptà,
 e antant del pais u v'anfila tit el nuvità,
 e tra in culp ed rasù e na pnelà
 el cur a spuvré la machina an tla cuntrà!

Ed banchié, postal e feruvié
 a Cantaluv ui né in sterpé
 i son semp a dré a fes anni i guton
 per serché ed dimustré chi son di laurason,
 ien, l'é na vita che el cuntinua a stidié
 la manera, el guvern, ed nente fé casché,
 e lé tantu tant u sò da fé
 che un ries manc pì a sciuperé,
 auter dui, anveci, e l'é nent i na nuvità
 antl'ufisi i van, sul per fé la businà,
 in'auter ancora, tant u lavù ui vè a fasò
 che fina a Posti Feruvia, la tirà a dé fò
 l'é propi in gran bel paciucun,
 mangé, beivi, e tiré u tira u tron,
 us vansa semper ed duvei andé a travaié,
 a Pasqua, Nadal, San Roc e u di ed Carvé,
 da in pò ed temp, a la baraca, l'ha pià dimura
 ed bisbucié, per lì, l'é semper ura,